

30. april 2019

Apeqqueteqaat aallaavigalugu oqallinnissamik siunnersuut, qanoq iliorluta ilinniartitsisut sulinermi atugaasa pitsanngortinnerisigut atuartut ilikkangaqarnissamut periarfissaat pitsanngorsarsinnaavagut.

(Inatsisartuni ilaasortaq Peter Olsen, Inuit Ataqtigiit)

Inatsisartuni ilaasortaq Peter Olsen, Inuit Ataqtigiit §36 naapertorlugu apeqqueteqaat aallaavigalugu oqallisissiaanut qujanaq, Siumumiit qulequttap imarisaatalu soqutigintup oqariartuutaanik imak oqaaseqassaagut.

Ukiut qulikkaar ingerlaneranni inooriaaseq pissutsillu allanngortornerannik sunniutit allanngortuaannarmata, taamaattuassaarlu ineriartorneq sutigut tamatigut arlaatigut sunniteqartuaannarmat. Ileqqut pingaartitallu pimoorullugu attassimangikkaanni avatangiisitsinniit sukkaasumik sunnerneqarsinnaasarpugut, nunarsuarmioqataanitsinni malinnaanitta ilaatigut tamanna ilagaat.

Peter Olsen oqallisissatut siunnersuummini ersersinniagaa Siumumiit paasilluarsinnaallugulu maluginngitsoorsimangilarput, meeqqat atuarfianni atuartut pissutsimikkut atuartinniernerisa unammillernartuat arlalitsigut tikkuarneqarsinnaammat. Eqqortuusorilluinnarpagut tunngaviehrsuummini taakkartugaasa ilaat. Atuartitsinermi meeqqat eqqissiveqanngitsut ilikkagassatigullu piareersimangitsut amerlapput. Meeqqallu imminnut sunnersinnaasarnat ilinniartitsisorpassuit ajoraluartumik tamatigut aqussinnaasanngilaat. Taamaakkaluartoq Siumut isumaqarpoq ilinniartitsisoq atuartitaminut akuerinnittoq, ersarissuliorsinnaasoq, soqutigintunillu atuartunut tiguaasinnaasoq tassaavoq meeqqat atuarfianni kivitsilluarsinnaasoq.

Ullutsinni angerlarsimaffippassuaqarpoq meeqqat atugaannik tujormiffiusunik, tamanna ilaatigut peqqutit ilagisinnaavaat ilikkagassanik kivitsinissamut piareersimanginnermik. Eqqortuusorilluinnarparpullu atuarfinni klasseni amerlasuuni atuartulinni ilaqartuarmat atuartitsinissamut allatut nukinnik atuisunik. Allaammi ilaqarput atuarfik siunertamigut malinnagu atuarfiliartartunik, ataatsimoorneq isersimaffeqarnissarlu pingaarnerutillugu atuariartortartunik. Tamanna uggornartuuvoq, atuarfiulli kisiat ajornartorsiut kivissinnaangikkaa ilisimavarput.

Meeqqat eqqissiveqanngittut pineqartillugit sapinngisamik meeraq aallaavigalugu sulinissarput salliutinnissaa pingaartitarunaripput ilimanarpoq. Meeqqalli nammineq eqqissiviitsuuneg pilersitarinngikkaa uppeaarput. Aallaavik tassaakkajummat angerlarsimaffik. Angerlarsimaffimmi piffissaqarfigineqannginneq, oqaloqatigineqartannginneq, sumiginnarneqarneq, namminissarsioritaanerullu kingunerisinnaasarpaa ujartuilerneq malugeqqunerlu. Meeqqap oqaasertalersinnaangisani iliutsimigut takutittarmagu, allaat ilaatigut sakkortuumik

30. april 2019

iliuuseqarsinnaasarluni. Taamaattumik atuarfiit tamarmik skolefé-tut ittunik piareersimasoqartuarnissaat pinngitsoorneqarsinnaangikkaluarpoq.

Atuartut klasseni 26-niit 18-nut ikilisinneqarnissaat tunngavimmigut allanngunissaa ilimaginngilarput, kisianni sunniteqarsinnaasunik periuusissanik atuarfiup pisortaa piareersimatitaqarnissaa tulluartsuoraarput. Ilinniartitsisulluunniit klassemi marlungoraluarpata tamanna sumiiffinni ilaanni atorneqalereeraluartoq periarfissatut ammatinneqartuarnissaa sillimaffigineqartuartaqarpoq.

Meeqqat eqqissiviillioortut piaartumik qisuariarfigineqartarnissaat eqqumaffigineqartuartaqarpoq. Kommune suleqataanissaminut ammajuaannartariaqarpoq. Ajornangippallu meeqqat ataasiakkaarlugit tamarmik handleplaneliunneqartariaqarput. Meeqqallu ilikkarusussuseqarlutik atuarfimmuut tunniusimasut arsaartornagit tamakkiisumik piffissaqarfigineqartariaqarput. Siumumiit upperaaput meeraq kinaluunniit naalannginermik aallaaveqarluni eqqissiviinneq ajortoq, tamaasami peqquteqarput. Tamanna annermik angerlarsimaffinniit aallaaveqartarpoq.

Isuma pitsaasuusaaq atuartut paasisinnaasaannik inooriaaseq eqqarsartariaaserlu pillugit siumut isigisumik nassuiaassuteqarfigisassallugit. Meeqqammi takusinnaagaangagu akuerineqarluni inissaqartinneqarlunilu paasilertortarpaa namminiussuseqarsinnaalluni.

Atuarfinni pisortat eqeersimaartut ilinniartitsisunullu suleqateqarluartut nukinnik pilersitsisinnaasarpud. Pisortaneq tassaangimmat naalagaaniarneq, tassaammalli sulisorisanut tusarnaarsinnaaneq naaperiaasinnaanerlu. Sumiiffinni ataasiakkaani takoreerpagut pisortaq namminissarsiorpallaaraangat orniginassuseq aamma annikilliertortartoq, taamaammatt pingaartuuvoq pisortat qanoq sulinerannut nakkutiginniluarnissaq.

Siunissarpud pineqartillugu meeqqat aallaavittut oqariartuutigiuannarparput, taamaattumik oqallisissiamik siunnersuuteqartoq isumaqatigaarput angajoqqaat peqataatillugit atuartitsineq ingerlanneqarsinnaasoq uummarissarneqartariaqarpoq. Susassareqatigiinnerup aqqani tamatta akisussaaqatigiikkatta, tamatumingalu ataatsimoornissarpud pisariaqartipparpud.

Qujanaq.